

MEMORIA XUSTIFICATIVA

CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E O CONCELLO DE RIBADEO PARA O FINANCIAMENTO DA ADQUISICIÓN DE EQUIPAMENTO E DA MELLORA DE DETERMINADOS ESPAZOS DA RESIDENCIA DE MAIORES DE RIBADEO, NO MARCO DO PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA – NEXTGENERATIONEU.

Primeiro.- Competencia

O Estatuto de autonomía de Galicia, no seu artigo 27.23, atribúelle á Comunidade Autónoma a competencia exclusiva en materia de asistencia social.

A Consellería de Política Social e Igualdade, a través da Dirección Xeral de Maiores e Atención Sociosanitaria, segundo o establecido no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, ten entre as súas competencias impulsar, planificar, coordinar e avaliar o conxunto das actuacións da Consellería en materia de benestar destinadas á atención das persoas maiores, en aplicación da Lei 13/2008, do 3 de decembro, de servizos sociais de Galicia e da Lei 39/2006, do 14 de decembro, de promoción da autonomía persoal e atención ás persoas en situación de dependencia.

No marco destas competencias, considérase necesario promover actuacións dirixidas á mellora da calidade da atención prestada nos centros residenciais de persoas maiores. Esta mellora require contar con equipamentos e medios materiais axeitados, seguros e adaptados ás necesidades actuais das persoas usuarias, especialmente cando se trata de persoas en situación de dependencia ou con necesidades de apoio para a mobilidade, o aseo, o transporte, o confort e as actividades básicas da vida diaria.

Segundo.- Identificación da entidade beneficiaria

O Concello de Ribadeo é unha entidade local galega que desenvolve competencias propias en materia de servizos sociais, nos termos previstos na Lei 7/1985, do 2 de abril, reguladora das bases do réxime local e na Lei 13/2008, do 3 de decembro, de servizos sociais de Galicia.

Así mesmo, figura inscrito no Rexistro Único de Entidades Prestadoras de Servizos Sociais co número E403, de conformidade co previsto no artigo 66 da Lei 13/2008, do 3 de decembro.

A Residencia de Maiores de Ribadeo constitúe un recurso residencial municipal destinado á atención de persoas maiores e persoas en situación de dependencia. O centro presta atención a



persoas que poden precisar apoio nas actividades ordinarias da vida diaria e unhas condicións materiais axeitadas de seguridade, accesibilidade, confort e calidade asistencial.

Terceiro.- Necesidade das actuacións

A atención diaria nunha residencia de maiores require contar con equipamento axeitado e en bo estado. O uso continuado destes medios fai necesaria a súa renovación ou substitución cando deixan de responder adecuadamente ás necesidades do servizo.

Neste caso, a actuación está dirixida á mellora dos medios materiais da Residencia de Maiores de Ribadeo para garantir unha atención máis segura, cómoda e adaptada ás persoas usuarias. Así mesmo, inclúe a mellora de determinados espazos vinculados ao funcionamento ordinario do centro. A documentación presentada polo Concello de Ribadeo identifica a necesidade de renovar equipamento asistencial e de apoio, así como de realizar actuacións materiais que melloren a funcionalidade e o uso dos espazos da residencia.

Cuarto.- Actuacións a financiar

A actuación obxecto do convenio consiste na adquisición de equipamento para a Residencia de Maiores de Ribadeo, así como na instalación dunha pérgola exterior e na colocación dun estor, de acordo co detalle recollido no anexo I do convenio.

En concreto, inclúese a adquisición de camas Cota 0, colchóns para cama articulada, coxíns volteadores, asideros, cadeiras de baño, cadeiras de baño XXL, medias barandillas, arneses de bipedestación, arneses de mobilización e arnés para persoas amputadas, así como a subministración e instalación dunha pérgola exterior de estrutura metálica e a colocación dun estor enrollable opaco.

As obras, instalacións, subministracións e equipamentos financiados deberán destinarse exclusivamente á Residencia de Maiores de Ribadeo e quedar afectos á finalidade subvencionada durante o período que resulte exixible conforme á Lei 9/2007, do 13 de xuño, de subvencións de Galicia.

Quinto.- Finalidade da subvención

A finalidade da subvención é mellorar a calidade da atención e as condicións de vida das persoas usuarias da Residencia de Maiores de Ribadeo mediante a renovación do equipamento dispoñible e a mellora de determinados espazos vinculados ao funcionamento ordinario do centro.



Con este proxecto preténdese reforzar a seguridade nos coidados, facilitar a mobilidade, mellorar o confort das persoas usuarias e favorecer unha atención residencial máis adaptada ás súas necesidades.

Sexto.- Interese público e social

O interese público e social da actuación vén dado polo destino dos bens e das actuacións previstas, que se dirixen directamente á mellora da Residencia de Maiores de Ribadeo. Trátase dun recurso municipal no que se atende a persoas maiores e persoas en situación de dependencia, algunhas delas con necesidades de apoio no seu día a día. Ademais, a existencia de prazas públicas constitúe o criterio obxectivo que determina o interese público da intervención e a súa vinculación co sistema público de servizos sociais.

Sétimo.- Singularidade da actuación e xustificación da concesión directa

A concesión directa da subvención xustifícase pola concorrencia de razóns de interese público e social que dificultan a promoción dun procedemento de concorrencia pública, nos termos previstos nos artigos 19.4.c) e 26 da Lei 9/2007, do 13 de xuño e no artigo 40 do Decreto 11/2009, do 8 de xaneiro.

A actuación obxecto deste convenio non pretende configurar unha liña xeral de axudas para a adquisición de equipamento ou a realización de actuacións materiais en centros de titularidade municipal, nin seleccionar entre distintas propostas alternativas. O que se persegue é dar resposta a unha necesidade concreta da Residencia de Maiores de Ribadeo, previamente identificada e xustificada polo Concello mediante a correspondente documentación técnica.

Por iso, a concorrencia competitiva non resulta o instrumento máis axeitado neste caso, xa que o financiamento se dirixe a unha actuación singular, delimitada técnica e economicamente, sobre un recurso residencial público municipal determinado, co obxectivo de mellorar a seguridade, a accesibilidade, a habitabilidade e o benestar das persoas maiores usuarias.

Décimo.- Encaixe no Plan de Recuperación, Transformación e Resiliencia

O proxecto que se financia mediante este convenio inscríbese no marco do Plan de recuperación, transformación e resiliencia – Financiado pola Unión Europea – NextGenerationEU, de conformidade co Regulamento (UE) 2021/241, do Parlamento Europeo e do Consello, do 12 de febreiro de 2021, coa Orde HFP/1030/2021, do 29 de setembro, pola que se configura o sistema de xestión do Plan de recuperación, transformación e resiliencia e coa Orde HFP/1031/2021, do 29 de setembro, pola que se establece o procedemento e formato da información que deben



proporcionar as entidades do sector público para o seguimento do cumprimento de fitos e obxectivos e da execución orzamentaria e contable das medidas dos compoñentes do dito plan.

A actuación obxecto deste convenio intégrase no compoñente 22, investimento C22.I1, do Plan de recuperación, transformación e resiliencia, no marco do Proxecto nº 1 da Comunidade Autónoma de Galicia, "Transformación da rede de coidados de longa duración a través da construción, adquisición, reforma e modernización de equipamentos" e contribúe ao cumprimento do obxectivo CID 323, relativo á renovación ou construción de centros residenciais, non residenciais e de día para a adaptación das prazas ao novo modelo de coidados de longa duración.

Décimo primeiro.- Financiamento

O importe íntegro da actuación ascende a corenta e seis mil catrocentos setenta e nove euros con corenta e dous céntimos, (46.479,42 €) . A Consellería de Política Social e Igualdade financiará o seu importe íntegro con cargo a fondos procedentes do Mecanismo de Recuperación e Resiliencia, no marco do Plan de recuperación, transformación e resiliencia - Financiado pola Unión Europea – NextGenerationEU.

A achega realizarase con cargo á aplicación orzamentaria 08.05.312E.760.0, código de proxecto 2025 00162, na que existe crédito axeitado e suficiente para esta finalidade.

A subvención limitarase ao financiamento dos gastos correspondentes ás obras, instalacións, subministracións e servizos previstos no convenio e no seu anexo. En ningún caso poderá supoñer beneficio económico para o Concello de Ribadeo nin superar o custo da actuación subvencionada.

Por todo o exposto, considérase xustificada a formalización do convenio de colaboración entre a Consellería de Política Social e Igualdade e o Concello de Ribadeo, para canalizar unha subvención directa destinada á adquisición de equipamento e á mellora de determinados espazos da Residencia de Maiores de Ribadeo, no marco do Plan de recuperación, transformación e resiliencia – Financiado pola Unión Europea – NextGenerationEU.

Santiago de Compostela, na data da sinatura dixital

O director xeral de Maiores e Atención Sociosanitaria

Antonio Acevedo Prado

